



UKA16/99
10. oktober 2016
Mimi Karlsen

Naalagaaffiit Peqatigiit Innarluutilinnut isumaqatigiissutaata atortuulersinneqarneranut atatillugu ussersornermik atuisut, innuttaasullu allat attaveqarniarnerminni ajornartorsiutillit isumaqatigiissummut ilaatinneqartut, nakorsiarneranni malitseqartitsinermut kiisalu nangittumik katsorsarneqarnerannut atatillugu allakkatigut nassuiaammik tigusalernissaat pillugu Naalakkersuisut peqquneqarnissaannik Inatsisartuni aalajangiiffigisassatut siunnersuut.

(Inatsisartunut ilaasortaqaAgathe Fontain, Inuit Ataqatigiit)

Inuit Ataqatigiit ussersornermik atuisut, innuttaasullu allat attaveqarniarnerminni ajornartorsiutillit nakorsiarneranni allakkatigut nassuiaammik tigusalernissaat pillugu Naalakkersuisut peqquneqarnissaannik Agathe Fontainip siunnersuuteqarnera qutsavigiumavarput.

Naalagaaffiit Peqatigiit Innarluutilinnut isumaqatigiissutaata atortuulersinneqarneratigut nunarput imminut pisussaaffilernikuuvoq innarluutillit atugaasa sutigut tamatigut pitsanngorsarneqarnissaannik. Apeqqutaanngilaq eqqarsartaatsikkut, timikkulluunniit innarluuteqaraanni, kisiannili innarluutilittatta atugaat pitsanngorsartuartaqarparput.

Tusilartut ussersorlutik oqaaseqarnerat innuttaasugut ilinniarneq ajorparput, taamaammallu tusilartut sumukarunilluunniit, soorlu nakorsiarunik paasineqartuaannarneq ajorput. Paasineqanngikkaangamik nutserisoqartuaannarnerluunniit ajorput. Tamanna assut eqqarsarnarpoq soq nunatsinni tusilartut ussersuutaat pingitsoorata ilinniartannginnerigut, imaluunniit nutserisussaqaqtittuaannarinnginnerigut. Tassalu suliasatta aamma ilaat.

Uanili pineqartut tassa tusilartut nakorsiareeraangamik nakorsap qanoq naliliineranik qanorlu iliorneranik tusilartut nakorsiarneq naammassigaangat nakorsamit allatamik pisarnissaat. Siunnersuut taanna Inuit Ataqatigiit taperserpaat. Tusilartoq nakorsiareernermini paatsuunganani, suniarneqarnerminillu paatsuunganani angerlartariaqarpoq. Tusilartunut immikkut taanna piviusunngortittariaqarparput.

Nakorsiarortoq kinaluunniit pisinnaatitaaffeqarpoq journaliminik takunnissinnaalluni. Uanili siunnersuuteqartup tusilartut pivai. Inuit Ataqatigiilli aamma utoqqaat, allalluunniit pisariaqartitsisut nakorsiareeraangamik nakorsap allataanik peqarnissaat periarfissaqaqtikkusupparput. Assersuutigalugu anaanaga puigortunngortoq nakorsiarisimappat uanga takusinnaarusukkaluarpara qanoq nakorsarneqarsimanersoq. Puigoreerpagumi uanga apersorsinnaanngilara.

Soorunami nakorsat nipangiussisussaanagerat mianerineqassaaq, taamaammat ataatsimiitsitaliami tamanna misissortariaqarparput.

Naalakkersuisut akissuteqarnerminni Skype aqqutigalugu nutserisoqarsinnaanerup

INUIT ATAQATIGIIT

INATSISARTUNI



pitsanngorsaaviginissaa qujarunnaqaaq.

Tusilartut allallu pisariaqartitsisut nakorsiareeraangamik allatamik nakorsamut
piumasarsinnaanissaat periarfissarsiorluarumallugu siunnerssut ataatsimiitsitaliamut
susassaqtumut ingerlakkumavarput.